



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁ**

ք. Երևան

12.07.2018թ.

**Ո Ր Ո Շ ՈՒ Մ**

**ՀՀ գնումների հետ կապված բողոքներ քննող անձի  
թիվ ԳԲԽ-ԱՄ-2018/72**

Հայաստանի Հանրապետության գնումների հետ կապված բողոքներ քննող անձ Միեր Անանյանս, քննելով Ա/Ձ Վիկտոր Ռաֆիկի Ջլալյանի կողմից 26.06.2018թ. ներկայացված բողոքը (այսուհետ նաև՝ ԳԲԽ-ԱՄ-2018/72 բողոք) և կից փաստաթղթերը, պարզեցի հետևյալը.

**1. Ա/Ձ Վիկտոր Ռաֆիկի Ջլալյանի ներկայացրած փաստերը, հիմնավորումները և պահանջը.**

Ա/Ձ Վիկտոր Ռաֆիկի Ջլալյանը (այսուհետ նաև՝ Մասնակից) 26.06.2018թ. ներկայացրած բողոքով հայտնել է, որ մասնակցության հայտ է ներկայացրել «Թիվ 20 պոլիկլինիկա» ՓԲԸ-ի (այսուհետ՝ Պատվիրատու) կողմից հայտարարված «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցման ընթացակարգին (այսուհետ՝ Ընթացակարգ):

Մասնակիցը հայտ է ներկայացրել 1-5,8,27,32,35-38,41-րդ չափաբաժինների մասով:

Ընթացակարգի գնահատող հանձնաժողովի 01.06.2018թ. հայտերի բացման նիստի թիվ 2 արձանագրության 3.5-րդ կետի համաձայն՝ Ա/Ձ Վիկտոր Զլավյանի կողմից ներկայացված հայտում առկա են պահանջվող փաստաթղթերը և կազմված են հրավերով նախատեսված վավերապայմաններին համապատասխան:

Գնահատող հանձնաժողովի 06.06.2018թ. նիստի թիվ 4 որոշմամբ Մասնակիցը ճանաչվել է առաջին տեղ զբաղեցրած մասնակից 8-րդ չափաբաժնի մասով:

Գնահատող հանձնաժողովի 15.06.2018թ. թիվ 5 արձանագրության 1.1 կետի համաձայն՝ Ա/Ձ Վիկտոր Զլավյանի հայտը մերժվել է:

Որպես մերժման պատճառաբանություն գնահատող հանձնաժողովը նշել է հետևյալը. «... N 8 չափաբաժնի մասով առաջին տեղ զբաղեցրած Ա/Ձ Վիկտոր Զլավյանի կողմից առաջարկվող բնութագիրը գնահատվեց ոչ համարժեք պատվիրատուի կարիքներին, մասնավորապես մասնակցի կողմից առաջարկվող ապրանքը չի կարող օգտագործվել համապատասխան սարքավորման բացակայության և արդեն իսկ եղած սարքավորումը անհիմն անգործության մատնելու օբյեկտիվ պատճառներից ելնելով:

Մասնակցին օրենքով սահմանված կարգով փաստաթղթերի ներկայացման պահանջ ներկայացնելու վերջնաժամկետը լրանալուն հաջորդ օրը (13.06.2018թ.) ծանուցվել է արձանագրված անհամապատասխանության շտկման վերաբերյալ, սակայն վերջինիս կողմից 14.06.2018թ. ներկայացված պարզաբանմամբ նշվում է այն մասին, որ իր կողմից ներկայացված տեխնիկական բնութագիրը չի կարող համարժեք լինել «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցման ընթացակարգի 8-րդ չափաբաժնով սահմանված տեխնիկական բնութագրին, մասնավորապես հրավերով սահմանվել է «Արյան մեջ գլյուկոզի մակարդակի որոշման թեստ երիզ Ակկու-Չեք Պերֆորմա գլյուկոմետրի համար», իր կողմից առաջարկվել է «Ստրիպ Սատելիտ էքսպրես N 50 Սատելիտ էքսպրես գլյուկոմետրի համար», և անհատույց տրամադրել Սատելիտ էքսպրես գլյուկոմետրեր անհայտ քանակությամբ»:

14.06.2018թ. Մասնակիցը տեխնիկական բնութագրի պարզաբանման վերաբերյալ գրությամբ հայտնել է Ընթացակարգի գնահատող հանձնաժողովին հետևյալը. «...Հայտնում եմ Ձեզ, որ մեր կողմից առաջարկված սատելիտ էքսպրես թեստ երիզների

տեխնիկական բնութագրերը համապատասխանում են մեր կողմից առաջարկվող «Ստրիպ Սատելիտ էքսպրես N 50» թեստ երիզներին և նախատեսված են Սատելիտ էքսպրես գյուկոմետրի համար, ուստի տեխնիկական բնութագիրը չի կարող համապատասխան լինի Ակկու-2եք Պրեֆորմայի: Ուստի ձեռնարկությունն իր իսկ կողմից «Թիվ 20 պոլիկլինիկա» ՓԲԸ-ին տրամադրում է Սատելիտ էքսպրես սարքերը՝ օգտագործելու համար»:

Մասնակիցը գտնում է, որ Ընթացակարգի գնահատող հանձնաժողովի 15.06.2018թ. թիվ 5 արձանագրությունը կազմված է «Գնումների մասին» ՀՀ օրենքի (այսուհետ՝ Օրենք) պահանջների խախտմամբ, հետևաբար այն ենթակա է հետևյալ պատճառաբանությամբ.

Օրենքի 3-րդ հոդվածի 1-ին մասի 1-ին կետի համաձայն՝ սույն օրենքի նպատակն է ապահովել գնումների գործընթացում հատուցման դիմաց արժեք, այն է՝ պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ:

Նույն մասի 2-րդ կետի համաձայն՝ գնումների և գնումների գործընթացի տնտեսող, արդյունավետ և օգտավետ իրականացում:

Օրենքի 13-րդ հոդվածի 2-րդ մասի 1-3-րդ կետերի համաձայն՝ գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը:

Վերը նշված իրավական նորմերի տառացի մեկնաբանության և համակարգային վերլուծության արդյունքում կարելի է փաստել, որ օրենսդիրը սահմանելով գնման նպատակները, հստակ սահմանել է, որ այն պետք է ուղղված լինի կոնկրետ անհրաժեշտության բավարարման համար: Դատելով «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով ընթացակարգի 8-րդ չափաբաժնով պահանջվող

ապրանքի առանձնահատկությունից կարելի է փաստել, որ այն ձեռք բերելը հետապնդում է արյան մեջ գլյուկոզի մակարդակի (քանակի) որոշման նպատակ: Մասնակցի կողմից առաջարկվող ապրանքն ամբողջովին բավարարում է տվյալ պահանջը, ինչ վերաբերվում է գնահատող հանձնաժողովի այն պատճառաբանությանը, որ Մասնակցի կողմից առաջարկվող ապրանքը չի կարող օգտագործվել առանց համապատասխան սարքերի, ապա դա անհիմն է, քանի որ, ինչպես նաև նշված է որոշման մեջ Մասնակիցը հայտնել է, որ անհատույց կարող է տրամադրել համապատասխան սարքեր: Գնահատող հանձնաժողովի այն պատճառաբանությունը, որ առկա սարքերը կմատնվեն անգործության ևս անհիմն է, քանի որ դրանից Պատվիրատուն որևէ վնաս չի կրում:

ՀՀ Սահմանադրության 59-րդ հոդվածի 1-ին կետի համաձայն՝ յուրաքանչյուր ոք ունի տնտեսական, ներառյալ ձեռնարկատիրական գործունեությամբ զբաղվելու իրավունք: Այս իրավունքի իրականացման պայմանները և կարգը սահմանվում են Օրենքով:

ՀՀ քաղաքացիական օրենսգրքի 2-րդ հոդվածի համաձայն՝ ձեռնարկատիրական է համարվում անձի ինքնուրույն, իր ռիսկով իրականացվող գործունեությունը, որի հիմնական նպատակը գույք օգտագործելուց, ապրանքներ վաճառելուց, աշխատանքներ կատարելուց կամ ծառայություններ մատուցելուց շահույթ ստանալն է:

Տվյալ պարագայում Ա/Ձ Վիկտոր Զլավյանը շահույթ ստանալու ակնկալիքով մասնակցության հայտ է ներկայացրել, սակայն գնահատող հանձնաժողովի ոչ իրավաչափ գործողությունների արդյունքում զրկվել է այն նյութական բավարարման հասնելու օրինական հնարավորությունից, ինչի ակնկալիքով վերջինս մասնակցել է Պատվիրատուի կողմից հայտարարված գնանշման հարցման ընթացակարգին:

Ա/Ձ Վիկտոր Զլավյանը ՀՀ գնումների հետ կապված բողոքներ քննող անձին խնդրել է պարտավորեցնել թիվ «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցման ընթացակարգի գնահատող հանձնաժողովին ընդունել 15.06.2018թ. N 5 արձանագրությունը փոփոխելու վերաբերյալ որոշում, այն է 8-րդ չափաբաժնի մասով Ա/Ձ Վիկտոր Ռաֆիկի Զլավյանին ճանաչել ընտրված մասնակից և ընդունել վերջինիս հետ պայմանագիր կնքելու որոշում:

ՀՀ գնումների հետ կապված բողոքներ քննող անձին ուղղված 28.06.2018թ. գրությամբ Մասնակիցը ներկայացրել է բողոքի պահանջի լրացում, այն է՝

- Պարտավորեցնել թիվ «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցման ընթացակարգի գնահատող հանձնաժողովին ընդունել 15.06.2018թ. N 5 արձանագրությունը փոփոխելու վերաբերյալ որոշում, այն է 8-րդ չափաբաժնի մասով Ա/Ձ Վիկտոր Ռաֆիկի Ջլալյանի հայտը գնահատել բավարար.

- Պարտավորեցնել թիվ «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցման ընթացակարգի գնահատող հանձնաժողովին ընդունել 15.06.2018թ. N 5 արձանագրությունը փոփոխելու վերաբերյալ որոշում, այն է 8-րդ չափաբաժնի մասով Ա/Ձ Վիկտոր Ռաֆիկի Ջլալյանին ճանաչել ընտրված մասնակից.

- Պարտավորեցնել թիվ «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցման ընթացակարգի գնահատող հանձնաժողովին ընդունել 20.06.2018թ. N 6 արձանագրությունը փոփոխելու վերաբերյալ որոշում, այն է՝ 8-րդ չափաբաժնի մասով պայմանագիր կնքելու առաջարկ ներկայացնել Ա/Ձ Վիկտոր Ռաֆիկի Ջլալյանին:

Ա/Ձ Վիկտոր Ջլալյանը, պատշաճ ծանուցված լինելով բողոքի քննության նպատակով 28.06.2018թ. ժամը 11:20-ին հրավիրված նիստի վերաբերյալ, ապահովել է իր ներկայացուցչի մասնակցությունը, ով պնդել է բողոքով ներկայացված դիրքորոշումը:

## **2. «Թիվ 20 պոլիկլինիկա» ՓԲԸ-ի կողմից բողոքի վերաբերյալ ներկայացված դիրքորոշումը և հիմնավորումները.**

«Թիվ 20 պոլիկլինիկա» ՓԲԸ-ն 28.06.2018թ. թիվ 229 գրությամբ հայտնել է, որ «Թիվ 20 պոլիկլինիկա» ՓԲԸ-ի կողմից հայտարարված «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով ընթացակարգի գնահատող հանձնաժողովի նիստի 06.06.2018թ. թիվ 4 արձանագրության թիվ 2.1 որոշմամբ Ա/Ձ Վիկտոր Ջլալյանը ճանաչվել է առաջին տեղ զբաղեցնող մասնակից 8-րդ չափաբաժնի մասով: 07.06.2018թ. ծանուցմամբ Ա/Ձ Վիկտոր Ջլալյանին առաջարկվել է մինչև 12.06.2018թ. ներառյալ ներկայացնել հրավերի գնանշման հարցման հայտը պատրաստելու հրահանգի երրորդ բաժնով նախատեսված փաստաթղթերը: 13.06.2018թ. Մասնակիցը ծանուցվել է 8-րդ չափաբաժնի մասով ներկայացված տեխնիկական բնութագրում հրավերի պահանջներին անհամապատասխանության առկայության մասին մանրամասն նկարագրելով առկա

անհամապատասխանությունները և առաջարկվել է մեկ աշխատանքային օրում շտկել անհամապատասխանությունը: Սահմանված ժամկետում Մասնակցի ներկայացրած գրությամբ անհամապատասխանությունները չեն շտկվել և նշվել է. «Հայտնում եմ Ձեզ, որ մեր կողմից առաջարկված սատելիտ էքսպրես թեստ երիզների տեխնիկական բնութագրերը համապատասխանում են մեր կողմից առաջարկվող «Ստրիպ ՍՍԵԼԻՏ» էքսպրես N 50 տեստ երիզներին և նախատեսված են Սատելիտ էքսպրես գլյուկոմետրի համար, ուստի տեխնիկական բնութագիրը չի կարող համապատասխան լինել Ակկու Չեկ պերֆորմայի»: Գնահատող հանձնաժողովի 15.06.2018թ. նիստի արձանագրության թիվ 1.1/ա որոշմամբ Ա/Ձ Վիկտոր Զլավյանի կողմից ներկայացված հայտը գնահատվել է անբավարար և մերժվել:

Պատվիրատուն վկայակոչել է «Գնումների մասին» ՀՀ օրենքի 3-րդ հոդվածի 1-ին մասը, ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) 47-րդ և 48-րդ կետերը:

Պատվիրատուն հայտնել է, որ Ընթացակարգի 8-րդ չափաբաժնով սահմանված գնման առարկայի տեխնիկական բնութագիրը սահմանվել է իրական կարիքին համապատասխան:

«Թ20ՊՈԼ-ԳՀԱՊՁԲ-2018/4/15/16/ՀԲ-1» ծածկագրով ընթացակարգի հրավերի 8-րդ չափաբաժնով սահմանված գնման առարկա է հանդիսանում «Արյան մեջ գլյուկոզի մակարդակի որոշման թեստ երիզ Ակկու-Չեք Պերֆորմա գլյուկոմետրի համար»: Մասնակցի կողմից առաջարկվել է «Ստրիպ ՍՍԵԼԻՏ էքսպրես № 50 Սատելիտ էքսպրես գլյուկոմետրի համար», անհայտ քանակությամբ և Պոլիկլինիկայի համար անհայտ գլյուկոմետրի անհատույց տրամադրմամբ: Պոլիկլինիկական երկար ժամանակ հաջողությամբ օգտագործում է Ակկու-Չեք Պերֆորմա գլյուկոմետրները, չի պատրաստվում հրաժարվել վերջիններից, դրանք հանդիսանում են պոլիկլինիկայի սեփականությունը և նոր անհայտ ծագմամբ գլյուկոմետրների գնման պահանջ Պատվիրատուն չի սահմանել «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով ընթացակարգի հրավերի 8-րդ չափաբաժնով: Հրավերով այլ արտադրության գլյուկոմետրների տրամադրման պահանջ չի սահմանվել, այլ սահմանվել է Պատվիրատուի մոտ առկա գլյուկոմետրների օգտագործման համար անհրաժեշտ

թեստերի ձեռքբերում: Հրավերով սահմանված տվյալ գնման առարկայի տեխնիկական բնութագրով պահանջվել են Ակկու-Չեք Պերֆորմա գյուկոմետրների համար նախատեսված թեստեր, այլ ոչ թե գյուկոմետրներ: Տեխնիկական բնութագրերը սահմանված են հստակ և առանց երկակի մեկնաբանության: Հրավերի 8-րդ չափաբաժնով սահմանված գնման առարկայի տեխնիկական բնութագրի նկատմամբ մինչև հայտերի բացման նիստը չի եղել ներկայացված ոչ մի պարզաբանում և պաշտոնական բողոք, ուստի համաձայն գործող օրենսդրության հայտերի բացման նիստից հետո մասնակցի կողմից չի կարող ներկայացվել հրավերի նկատմամբ որևէ առարկություն: Սակայն Մասնակիցը իր բողոքով թվարկում է Օրենքի 13-րդ հոդվածի 2-րդ մասի 1-3-րդ կետերը գնման առարկաների բնութագրերը սահմանելու վերաբերյալ:

Որպես սահմանված գնման առարկա հանդիսացող թեստերի համեմատականով, Մասնակցի կողմից ներկայացված թեստի տեխնիկական բնութագրով ներկայացված թեստը համարժեք չէ «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով ընթացակարգի հրավերի 8-րդ չափաբաժնով սահմանված թեստին, ինչի մասին վկայում է Մասնակցի կողմից որպես անհամապատասխանության շտկում ներկայացված գրությամբ նշված տեղեկատվությունը, մեջբերում՝ «Հայտնում եմ Ձեզ, որ մեր կողմից առաջարկված սատելիտ էքսպրես թեստ երիզների տեխնիկական բնութագրերը համապատասխանում են մեր կողմից առաջարկվող «Ստրիպ ՍԱՏԵԼԻՏ էքսպրես № 50 տեստ երիզներին և նախատեսված են Սատելիտ էքսպրես գյուկոմետրի համար, ուստի տեխնիկական բնութագիրը չի կարող համապատասխան լինել Ակկու Չեկ պերֆորմայի»:

Հիմք ընդունելով Կարգի 47-րդ և 48-րդ կետերը, Մասնակցի հայտը մերժվել է և փաստաթղթեր ներկայացնելու պահանջ է ներկայացվել հաջորդաբար տեղ զբաղեցրած մասնակցին:

«Թիվ 20 պոլիկլինիկա» ՓԲԸ-ն, պատշաճ ծանուցված լինելով բողոքի քննության նպատակով 28.06.2018թ. ժամը 11:20-ին հրավիրված նիստի վերաբերյալ, ապահովել է իր ներկայացուցչի մասնակցությունը, ով պնդել է վերոհիշյալ գրությամբ ներկայացված դիրքորոշումը:

**3. ԳԲԽ-ԱՄ-2018/72 բողոքի քննության համար էական նշանակություն ունեցող փաստերը**

ԳԲԽ-ԱՄ-2018/72 բողոքի քննության համար էական նշանակություն ունեն հետևյալ փաստերը՝

1. «Թիվ 20 պոլիկլինիկա» ՓԲԸ-ի կողմից «Թիվ 20 պոլիկլինիկա» ՓԲԸ-ի կարիքների համար դեղորայքի, բժշկական պարագաների և քիմիական նյութերի ձեռքբերման նպատակով կազմակերպվել է «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցման ընթացակարգ, որին մասնակցելու նպատակով Ա/Ձ Վիկտոր Զլավյանը հայտ է ներկայացրել:

2. Ընթացակարգի հրավերով Ց-րդ չափաբաժնով նախատեսվել է ձեռքբերել արյան մեջ գլյուկոզի մակարդակի որոշման թեսթ երիզ Ակկու-Չեք Պերֆորմա գլյուկոմետրի համար, որի համար նախատեսվել է հետևյալ տեխնիկական բնութագիրը.

հրավերով նախատեսված չափաբաժնի համարը	անվանումը և ապրանքային նշանը	տեխնիկական բնութագիրը	չափման միավորը	ընդհանուր քանակը
8	Արյան մեջ գլյուկոզի մակարդակի որոշման թեսթ երիզ Ակկու-Չեք Պերֆորմա գլյուկոմետրի համար	Արյան մեջ գլյուկոզի մակարդակի որոշման թեսթ երիզ Ակկու-Չեք Պերֆորմա գլյուկոմետրի համար: Օրիգինալ: Նմուշի տեսակը՝ մազանոթային արյուն: Չափման մեթոդը՝ էլեկտրոքիմիական: Չափման միջակայքը՝ 0,6-33,3մմոլ/լ: Չափման ժամանակահատվածը՝ 5վրկ: Արյան ծավալը՝ 0,6 մկլ: Չափում է հեմատոկրիտ 10-65% միջակայքում: Համակարգը կալիբրավորված է ըստ երակային արյան, որը հիմնված է հեքսոկինազային մեթոդի վրա և համապատասխանում է NIST չափորոշիչին: Ֆերմենտը՝ Mut.Q-GDH 2 կայուն թթվածնի ազդեցության հանդեպ: Աշխատանքային ջերմաստիճան՝ 8-44°C: Աշխատանքային հարաբերական խոնավություն՝ 10-90%: Ճշգրտությունը՝ համակարգը համապատասխանում է	հատ	5000



		EN-ISO 15197 ստանդարտի պահանջներին: Թեստ երիզի ժամկետը՝ պետք է չփոխվի անկախ սրվակի բացման պայմանից: Ֆորմատ -հատ: Որակի սերտիֆիկատի/ների առկայությունը պարտադիր է:		
--	--	---	--	--

3. Ընթացակարգի գնահատող հանձնաժողովի կողմից 06.06.2018թ. ժամը 13:00-ի նիստի թիվ 4 արձանագրության 2-րդ կետով կայացված որոշմամբ Ա/Ձ Վիկտոր Զլավյանը ճանաչվել է առաջին տեղ զբաղեցրած մասնակից՝ Ընթացակարգի 8-րդ չափաբաժնի մասով, որին 07.06.2018թ. սահմանված կարգով ծանուցվել է Ընթացակարգի հրավերի ՄԱՍ II-ի՝ ընթացակարգի հայտը պատրաստելու հրահանգի 3-րդ կետով նախատեսված փաստաթղթերը ներկայացնելու անհրաժեշտության վերաբերյալ:

4. Ընթացակարգի գնահատող հանձնաժողովի 15.06.2018թ. ժամը 16:00-ի նիստի թիվ 5 արձանագրության 1.1 կետով արձանագրվել է, որ Ա/Ձ Վիկտոր Զլավյանի կողմից առաջարկվող տեխնիկական բնութագիրը ոչ համարժեք է պատվիրատուի կարիքներին: Նույն արձանագրության համաձայն՝ Մասնակցին 13.06.2018թ. ծանուցվել է արձանագրված անհամապատասխանության շտկման վերաբերյալ, սակայն վերջինիս կողմից 14.06.2018թ. ներկայացված պարզաբանմամբ նշվել է այն մասին, որ իր կողմից ներկայացված տեխնիկական բնութագիրը չի կարող համարժեք լինել Ընթացակարգի 8-րդ չափաբաժնով սահմանված տեխնիկական բնութագրին, մասնավորապես հրավերով սահմանվել է արյան մեջ գլյուկոզի մակարդակի որոշման թեսթ երիզ Ակկու-2եք Պերֆորմա գլյուկոմետրի համար, սակայն Մասնակցի կողմից առաջարկվել է Ստրիպ ՍԱՏԵԼԻՏ էքսպրես N 50 Սատելիտ գլյուկոմետրի համար և անհատույց տրամադրել Սատելիտ էքսպրես գլյուկոմետր անհայտ քանակությամբ: Հրավերով այլ արտադրության գլյուկոմետրերի պահանջ չի սահմանվել, այլ սահմանվել է պատվիրատուի մոտ առկա գլյուկոմետրերի օգտագործման համար անհրաժեշտ թեսթերի ձեռքբերում:

4. Ընթացակարգի գնահատող հանձնաժողովի 15.06.2018թ. ժամը 16:00-ի նիստի թիվ 5 արձանագրության 1.1 կետով կայացված որոշմամբ Ա/Ձ Վիկտոր Զլավյանի հայտը գնահատվել է անբավարար և մերժվել:

**4. ՀՀ գնումների հետ կապված բողոքներ քննող անձի հիմնավորումները և եզրահանգումը.**

ՀՀ գնումների հետ կապված բողոքներ քննող անձ Մհեր Անանյանս, ուսումնասիրելով Ա/Ձ Վիկտոր Զլավյանի 26.06.2018թ. բողոքը, «Թիվ 20 պոլիկլինիկա» ՓԲԸ-ի 28.06.2018թ. թիվ 229 գրությունը և կից փաստաթղթերը, «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցման ընթացակարգի հրավերը, գտնում եմ, որ Ա/Ձ Վիկտոր Զլավյանի 26.06.2018թ. բողոքն անհիմն է և ենթակա է մերժման՝ հետևյալ պատճառաբանությամբ.

«Գնումների մասին» ՀՀ օրենքի 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որևէ առևտրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը:

«Գնումների մասին» ՀՀ օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

«Կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 1-ին ենթակետի «գ» պարբերության համաձայն՝ հրավերով նախատեսվում է նաև, որ մասնակիցը հայտով ներկայացնում է ապրանքների գնման դեպքում իր կողմից հաստատված հայտարարություն՝ առաջարկվող ապրանքի՝ հրավերով նախատեսված տեխնիկական բնութագրերին համապատասխանության վերաբերյալ՝ պայմանով, որ առաջին տեղն զբաղեցրած մասնակից ճանաչվելու դեպքում հրավերով սահմանված կարգով ներկայացնում է ապրանքի տեխնիկական բնութագրերը, իսկ հրավերով նախատեսված դեպքերում նաև առաջարկվող ապրանքային նշանը, արտադրողի անվանումը, ծագման երկիրը (այսուհետ՝ ապրանքի ամբողջական նկարագիր):

Կարգի 43-րդ կետի 4-րդ ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարը էլեկտրոնային փոստի միջոցով ծանուցում է առաջին տեղն զբաղեցրած մասնակցին՝ առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը, բացառությամբ սույն կարգով նախատեսված դեպքերի, ապրանքների գնման դեպքում նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթուղթը, իսկ բանկային երաշխիքի ձևով ներկայացված հայտի ապահովման բնօրինակը՝ կից գրությամբ: Սույն մասով սահմանված ժամկետում փաստաթղթեր ընդհանրապես չներկայացվելու դեպքում հանձնաժողովը հայտերի գնահատման նիստում մերժում է առաջին տեղն զբաղեցրած մասնակցի հայտը և փաստաթղթեր ներկայացնելու պահանջ է ներկայացնում հաջորդաբար տեղ զբաղեցրած մասնակցին:

Կարգի 47-րդ կետը սահմանում է, որ առաջին տեղն զբաղեցրած մասնակցի կողմից փաստաթղթերն ամբողջական չներկայացվելու, ինչպես նաև ներկայացված՝ ներառյալ կոմիտեի կողմից տրամադրված որակավորման չափանիշները հիմնավորող՝ հրավերով նախատեսված փաստաթղթերի, իսկ ապրանքների գնման դեպքում նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթղթի գնահատման արդյունքում հրավերի պահանջների նկատմամբ անհամապատասխանություններ

արձանագրվելու դեպքում հանձնաժողովի քարտուղարը նույն օրն էլեկտրոնային եղանակով ծանուցում է առաջին տեղն զբաղեցրած մասնակցին՝ առաջարկելով մեկ աշխատանքային օրվա ընթացքում շտկել անհամապատասխանությունը:

Նույն կարգի 48-րդ կետի 2-րդ ենթակետի համաձայն՝ առաջին տեղ զբաղեցրած մասնակցի կողմից արձանագրված անհամապատասխանությունը սահմանված ժամկետում չշտկելու դեպքում հանձնաժողովի որոշմամբ հայտը մերժվում է, և փաստաթղթեր ներկայացնելու պահանջ է ներկայացվում հաջորդաբար տեղ զբաղեցրած մասնակցին:

«Թիվ 20 պոլիկլինիկա» ՓԲԸ-ի կողմից «Թիվ 20 պոլիկլինիկա» ՓԲԸ-ի կարիքների համար դեղորայքի, բժշկական պարագաների և քիմիական նյութերի ձեքբերման նպատակով կազմակերպվել է «Թ 20 ՊՈԼ-ԳՀԱՊԶԲ-2018/4/15/16/ՀԲ-1» ծածկագրով գնանշման հարցման ընթացակարգ:

Ընթացակարգի հրավերի 8-րդ չափաբաժնով նախատեսվել է ձեռքբերել արյան մեջ գլյուկոզի մակարդակի որոշման թեսթ երիզ Ակկու-2եք Պերֆորմա գլյուկոմետրի համար, որի համար նախատեսվել է հետևյալ տեխնիկական բնութագիրը.

հրավերով նախատեսված չափաբաժնի համարը	անվանումը և ապրանքային նշանը	տեխնիկական բնութագիրը	չափման միավորը	ընդհանուր քանակը
8	Արյան մեջ գլյուկոզի մակարդակի որոշման թեսթ երիզ Ակկու-2եք Պերֆորմա գլյուկոմետրի համար	Արյան մեջ գլյուկոզի մակարդակի որոշման թեսթ երիզ Ակկու-2եք Պերֆորմա գլյուկոմետրի համար: Օրիգինալ: Նմուշի տեսակը՝ մազանոթային, արյուն: Չափման մեթոդը՝ էլեկտրոքիմիական: Չափման միջակայքը՝ 0,6-33,3մմոլ/լ: Չափման ժամանակահատվածը՝ 5վրկ: Արյան ծավալը՝ 0,6 մկլ: Չափում է հեմատոկրիտ 10-65% միջակայքում: Համակարգը կալիբրավորված է ըստ երակային արյան, որը հիմնված է հեքսոկինազային մեթոդի վրա և համապատասխանում է NIST չափորոշիչին: Ֆերմենտը՝ Mut.Q-GDH 2 կայուն թթվածնի ազդեցության հանդեպ: Աշխատանքային	հատ	5000

		ջերմաստիճան՝ 8-44°C: Աշխատանքային հարաբերական խոնավություն՝ 10-90%: Ճշգրտությունը՝ համակարգը համապատասխանում է EN-ISO 15197 ստանդարտի պահանջներին: Թեստ երիզի ժամկետը՝ պետք է չփոխվի անկախ սրվակի բացման պայմանից: Ֆորմատ -հատ: Որակի սերտիֆիկատի/ների առկայությունը պարտադիր է:		
--	--	---	--	--

Ընթացակարգին մասնակցելու նպատակով հայտ է ներկայացրել Ա/Ձ Վիկտոր Զլավյանը, ով հայտի թիվ 4 հավելվածով հայտարարել և հավաստել է, որ «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցմանը մասնակցելու նպատակով իր կողմից ներկայացված մասնակցության դիմումում նշված չափաբաժնի (չափաբաժինների) մասով առաջարկվող ապրանքի (ապրանքների) տեխնիկական բնութագրերը համապատասխանում են նույն հրավերի համապատասխան չափաբաժնում (չափաբաժիններում) նշված ապրանքի (ապրանքների) տեխնիկական բնութագրերի պահանջներին:

Նույն հայտարարության համաձայն՝ Ա/Ձ Վիկտոր Զլավյանը պարտավորվել է առաջին տեղը զբաղեցրած մասնակից ճանաչվելու դեպքում «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցման հրավերով սահմանված կարգով և ժամկետներում ներկայացնել իր կողմից առաջարկվող ապրանքի (ապրանքների)՝ անվանումը, ապրանքային նշանը, արտադրողի անվանումը, ծագման երկիրը և տեխնիկական բնութագրերը (ապրանքի ամբողջական նկարագիր):

Մասնակիցը հայտի թիվ 5 հավելվածով Ընթացակարգի 8-րդ չափաբաժնի մասով գնային առաջարկը ներկայացրել է «արյան մեջ գլյուկոզի մակարդակի որոշման թեստ երիզ սատելլիտ էքսպրես համարժեք արյան մեջ գլյուկոզի մակարդակի որոշման թեստ երիզ Ակկու-Չեք Պերֆորմայի» համար:

Ընթացակարգի գնահատող հանձնաժողովի կողմից 06.06.2018թ. ժամը 13:00-ի նիստի թիվ 4 արձանագրության 2-րդ կետով կայացված որոշմամբ Ա/Ձ Վիկտոր Զլավյանը ճանաչվել է առաջին տեղ զբաղեցրած մասնակից՝ Ընթացակարգի 8-րդ չափաբաժնի մասով, որին 07.06.2018թ. սահմանված կարգով ծանուցվել է Ընթացակարգի հրավերի

ՄԱՍ II-ի՝ ընթացակարգի հայտը պատրաստելու հրահանգի 3-րդ կետով նախատեսված փաստաթղթերը ներկայացնելու անհրաժեշտության վերաբերյալ:

Մասնակցի կողմից հայտի 6.1 հավելվածով ներկայացվել է հետևյալ տեխնիկական բնութագիրը.

Չափաբաժնի համար	Անվանումը	Տեխնիկական բնութագրերը
8	Ստրիպ ՍԱՏԵԼԻՏ էքսպրես N 50 + գյուկոմետր Սատելլիտ էքսպրես	Նմուշի տեսակը՝ մագնիսային արյուն, չափման միջակայքը 0.6-4.2 մմոյ/լ, արյան ծավալը 1-2 մկ Կալիբրացիա համակարգը կալիբրավորված է ըստ երակային արյան, որը հիմնված է հեքսոկինազային մեթոդի վրա և համապատասխանում է NIST չափորոշիչին: Անզեն աչքով ստուգելու հնարավորություն: Բացակայում է մայթոգի էական միջամտությունը գյուկոգի արդյունքների վրա բացառելով գյուկոգի կեղծ բարձր, պահպանման ջերմաստիճանը --20+30 C, գործառնական բարձրություն մինչև 4000մ ծովի մակարդակից (MicroB) ճշգրտությունը մակարդակից (MicroB) ճշգրտությունը՝ համակարգը համապատասխանում է EN ISO 15197 չափորոշիչին:

Ընթացակարգի գնահատող հանձնաժողովի 15.06.2018թ. ժամը 16:00-ի նիստի թիվ 5 արձանագրության 1.1 կետի համաձայն՝ գնահատող հանձնաժողովի կողմից արձանագրվել է, որ Ա/Ձ Վիկտոր Զլավյանի կողմից առաջարկվող տեխնիկական բնութագիրը չի համապատասխանում հրավերի պահանջներին և ոչ համարժեք է պատվիրատուի կարիքներին:

Ընթացակարգի գնահատող հանձնաժողովի քարտուղարը 13.06.2018թ. ծանուցել է Ա/Ձ Վիկտոր Զլավյանին՝ հայտնելով, որ Մասնակցի կողմից 8-րդ չափաբաժնի մասով առաջարկվող ապրանքը համարժեք չէ «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնման ընթացակարգի պահանջներին, մասնավորապես՝ հրավերով պահանջվում է արյան մեջ գյուկոգի մակարդակի որոշման թեսթ երիզ Ակկու-Չեք Պերֆորմա գյուկոմետրի համար, սակայն Մասնակցի կողմից առաջարկված Ստրիպ ՍԱՏԵԼԻՏ էքսպրես N 50-ը նախատեսված չէ Ակկու-Չեք Պերֆորմա գյուկոմետրերի համար, իսկ հավելյալ սարքավորման պահանջ ընթացակարգով նախատեսված չի եղել:

Նշված ծանուցմամբ Մասնակցին առաջարկվել է մեկ աշխատանքային օրյա ժամկետում շտկել արձանագրված անհամապատասխանությունը:

Պատվիրատուին ուղղված գրությամբ Ա/Ձ Վիկտոր Զլավյանը հայտնել է, որ Մասնակցի կողմից առաջարկված սատելլիտ էքսպրես թեսթ երիզների տեխնիկական բնութագրերը,

համապատասխանում են Ա/Ձ Վիկտոր Զլավյանի կողմից առաջարկվող Ստրիպ ՍԱՏԵԼԻՏ էքսպրես N 50 թեսթ երիզներին և նախատեսված են ՍԱՏԵԼԻՏ էքսպրես գյուկոմետրի համար, ուստի տեխնիկական բնութագիրը չի կարող համապատասխան լինել Ակկու-Չեք Պերֆորմայի համար:

Նույն գրությամբ Մասնակիցը հայտնել է, որ ձեռնարկությունը իր կողմից «Թիվ 20 պոլիկլինիկա» ՓԲԸ-ին տրամադրում է ՍԱՏԵԼԻՏ էքսպրես սարքերն օգտագործելու համար:

Ընթացակարգի գնահատող հանձնաժողովի 15.06.2018թ. ժամը 16:00-ի նիստի թիվ 5 արձանագրության 1.1 կետի համաձայն՝ Ա/Ձ Վիկտոր Զլավյանի հայտը գնահատվել է անբավարար և մերժվել է, այն հիմնավորմամբ, որ Մասնակցի կողմից առաջարկված ապրանքը համարժեք չէ հրավերի տեխնիկական բնութագրով նախատեսված գնման առարկային, ինչպես նաև հրավերով այլ արտադրության գյուկոմետրերի պահանջ չի սահմանվել, այլ սահմանվել է պատվիրատուի մոտ առկա գյուկոմետրերի օգտագործման համար անհրաժեշտ թեսթերի ձեռքբերում:

Այսպիսով՝ Ընթացակարգի հրավերի 8-րդ չափաբաժնի մասով նախատեսվել է ձեռքբերել Ակկու-Չեք Պերֆորմա գյուկոմետրի համար նախատեսված արյան մեջ գյուկոզի մակարդակի որոշման թեսթ-երիզներ 5000 հատ: Ընթացակարգին մասնակցության հայտ ներկայացրած Ա/Ձ Վիկտոր Զլավյանը հայտի թիվ 4 հավելվածով հայտարարել և հավաստել է, որ «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով գնանշման հարցմանը մասնակցելու նպատակով իր կողմից ներկայացված մասնակցության դիմումում նշված չափաբաժնի (չափաբաժինների) մասով առաջարկվող ապրանքի (ապրանքների) տեխնիկական բնութագրերը համապատասխանում են նույն հրավերի համապատասխան չափաբաժնում (չափաբաժիններում) նշված ապրանքի (ապրանքների) տեխնիկական բնութագրերի պահանջներին: Միևնույն ժամանակ Մասնակցի կողմից հայտի թիվ 6.1 հավելվածով ներկայացվել է Ստրիպ ՍԱՏԵԼԻՏ էքսպրես N 50 թեսթ երիզների տեխնիկական բնութագիրը, որոնք նախատեսված են ՍԱՏԵԼԻՏ էքսպրես գյուկոմետրի համար և ունեն այլ տեխնիկական հատկանիշներ, քան նախատեսված է հրավերով: Դրա հետ մեկտեղ Մասնակցի կողմից առաջարկվել է



Պատվիրատուին տրամադրել ՍԱՏԵԼԻՏ էքսպրես գյուկոմետրեր Ստրիպ ՍԱՏԵԼԻՏ էքսպրես N 50 թեսթ երիզների շահագործման համար:

«Գնումների մասին» ՀՀ օրենքի 13-րդ հոդվածի 2-րդ մասի 3-րդ կետը սահմանում է, որ գնման առարկայի բնութագրերը պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը: Տվյալ դեպքում «Թ 20 ՊՈԼ-ԳՀԱՊՁԲ-2018/4/15/16/ՀԲ-1» ծածկագրով ընթացակարգի 8-րդ չափաբաժնով նախատեսվել է ձեռքբերել արյան մեջ գյուկոզի մակարդակի որոշման **թեսթ-երիզներ**, որոնք նախատեսված են Ակկու-Չեք Պերֆորմա գյուկոմետրի համար: Տվյալ դեպքում գնման առարկա չի հանդիսանում գյուկոմետրը, որպես սարք, այլ արդեն իսկ շահագործվող գյուկոմետրերի համար նախատեսված համապատասխան թեսթ-երիզները, որոնք ունեն հստակ պարամետրեր և որոնք պետք է համապատասխանեն հրավերի մեջ նշված Ակկու-Չեք Պերֆորմա գյուկոմետրին: Մինչդեռ Մասնակցի կողմից ներկայացված թեսթ-երիզները չեն կարող դիտարկվել որպես համարժեք հրավերի տեխնիկական բնութագրի 8-րդ չափաբաժնի համար նախատեսված գնման առարկային, քանի որ վերջիններս ունեն այլ տեխնիկական հատկանիշներ և նախատեսված են այլ (ՍԱՏԵԼԻՏ էքսպրես) գյուկոմետրերի համար, ինչը նաև հաստատվել է Պատվիրատուին ուղղված Ա/Ձ Վիկտոր Զլավյանի համապատասխան գրությամբ:

Այսպիսով՝ արձանագրում եմ, որ Ա/Ձ Վիկտոր Զլավյանի կողմից Ընթացակարգի 8-րդ չափաբաժնի մասով ներկայացված տեխնիկական բնութագիրը չի համապատասխանում հրավերով սահմանված տեխնիկական բնութագրին: Ինչ վերաբերում է Մասնակցի այն պնդմանը, որ վերջինիս կողմից տրամադրվում են նաև ՍԱՏԵԼԻՏ էքսպրես գյուկոմետրը՝ Ստրիպ ՍԱՏԵԼԻՏ էքսպրես N 50 թեստ երիզների շահագործման համար, ապա տվյալ դեպքում հրավերով ի սկզբանե Պատվիրատուի կարիքին համապատասխան հստակ սահմանված է եղել գնման առարկան և գնահատող հանձնաժողովը հայտերի գնահատումն իրականացրել է հրավերի պահանջների նկատմամբ:

Այսպիսով՝ հաշվի առնելով վերոգրյալը, գտնում եմ, որ Ա/Ձ Վիկտոր Զլավյանի կողմից 26.06.2018թ. ներկայացված բողոքն անհիմն է և ենթակա է մերժման, քանի որ մերժելով Մասնակցի հայտը, գնահատող հանձնաժողովը գործել է իրավաչափ:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝

**Ո Ր Ո Շ Ե Ց Ի**

Ա/Ձ Վիկտոր Զլավյանի կողմից 26.06.2018թ. ներկայացված բողոքը մերժել:

ՀՀ գնումների հետ կապված բողոքներ քննող անձի որոշումն իրավապարտադիր է:

ՀՀ գնումների հետ կապված բողոքներ քննող անձի որոշումը կարող է բողոքարկվել դատական կարգով:

**Գնումների հետ կապված  
բողոքներ քննող անձ՝**



**ՄՀԵՐ ԱՆԱՆՅԱՆ**